

淮
海
英
靈
集

淮海英靈集序

吾鄉在江淮之間東至于海漢唐以來名臣學士

我

國家恩教流被百餘年名公卿爲

國樹績其餘事每托之歌詠節臣孝子名儒才士畸人列女輩出其間雖不皆藉詩以傳而鍾毓淳秀發于篇章者實不可泯元幼時卽思輯錄諸家以成一集而力未逮入都後勸于侍直亦未暇及此乾隆六十年自山左學政奉

命移任浙江桑梓非遙徵訪較易遂乃博求遺籍徧于十二邑陳編蠹棗列滿几閣校試之暇刪繁紀要效遺山中州十集之體錄爲甲乙丙丁戊五集又以壬集收闡秀癸集收方外虛已庚辛三集以待補錄曰淮海英靈者缺高郵秦少游

嘗名其集曰淮海唐殷蟠選唐詩亦曰河嶽英靈集矣書成
雕板用廣流傳余之錄此集非敢取鄉先生之詩衡以格律
而選定之也亦非藉已故詩人爲延譽計也廣陵耆舊零落
百餘年矣康熙雍正及乾隆初年已刊專集漸就散失近年
詩人刻集者鮮其高情孤調卓然成家者固多卽殘篇斷句
僅留于敝篋中者亦指不勝數亟求之猶懼其遺佚而不彰
遲之又久不更替乎且事之散者難聚聚者易傳後之君子
懷耆舊之逸轍采淮海之淳風文獻畧備庶有取焉

嘉慶三年秋八月癸巳鄉人儀徵阮元謹序

凡例

一通州如臯泰興舊隸揚州今錄詩托始

國初故未便區別吟域同爲登載

一所錄詩人皆以已故者爲斷遺編舊集或訪之友人或出之賢嗣或購之書肆或搜之別集每人各爲小傳數行以紀爵里事蹟或以詩存人或以人存詩諱舛遺漏誠恐不免尚希同志諒而增改之苟有益于前人何必出于吾手斷不稍存意見也

一十集尚虛已庚辛三集緣數年搜輯雖得大畧而高人祕集未經人見及人在近代反未得詩者正復不少或俟今人補遺或俟後人續錄庶幾十集勒爲完書

一每集各爲起訖其甲乙分集皆以得詩先後爲定並無

分別義例有以家集寄者卽其集之居前者爲次其餘
族姓以類相從或一姓數人前後分者隨到隨編未便

畫一

一外省人入籍揚州其生卒在揚州者方入錄若流寓詩
人本極繁多且昔王漁洋司寇盧雅雨轉運馬秋玉徵
君等招集名流觴詠尤盛多不勝收當俟另纂

一各家之詩皆就其所擅長者錄之庶各體皆備不敢存
選家唐宋流派門戶之見

一小傳中所載著述經史子集名目皆從各家志傳采入
多未親見原書想今亡者俱多或本虛標名目然與其
刪之母寧存之庶將來錄藝文志者得據此采訪云

一忠孝節義之事蹟及讌會之韻事園亭之廢興彞言名

句之流傳書畫古器之賞鑑元已別爲廣陵詩話若干

卷俟定彙後再爲付梓

一助元編輯諸友爲烏程陳無軒掉秀水趙蘭生蕙茶錢

塘陳雲伯文杰青田端木子彝國瑚甘泉焦里堂循家

叔北渚鴻助元徵詩諸友爲儀徵團椒墩維塘汪慶人

榮懷程中之贊和魏公贊皇定甫贊寧一亭贊普汪晉

蕃光曦方靜也仕杰薛二川溶王東山文泗李艾塘斗

江都葉文光朝廷史壽莊椿齡張旣堂維楨甘泉張篠

軒觀海黃伊宣洙朱春槎歐陽製美錦焦里堂循

季蕃徵李濱石鍾泗黃秋平文暘徐元方王東楹

授謝成蔚開基江鄭堂藩高郵夏澹人味堂沈方鐘鈞

王伯申述之寶應劉端臨台拱建臨台斗朱休承士

興化黃葯領

駢

泰州陳理堂

變

繆善夫

承

通州劉仙

培

■

泰興季廉夫

爾慶

此外尚有遺忘續爲補載校

字者爲吾弟仲嘉

亨子

長生

淮海英靈集目錄

鄉人阮元輯錄

甲集卷一

魏衛 孫自成 丁日乾 陸舜 劉欽鄰

蕭日曠 劉懋賢 卓爾堪 樊瑩 樊經

厲士貞 劉瑞 王誥 俞珏 徐石麟

黃又 梁嘉稷 魏嘉琬 汪士裕 畢銳

王澤孚 張幼學 史克封 王令樹 王新銘

桑豸 陳秉樞 繆沅

甲集卷二

張弓 左衛 陶澂 汪耀麟 汪懋麟

劉中柱 劉家珍 殷王嶧 周璽 吳綺

彭士右 劉允祚 趙開雍 于王棟 華袞

徐衡 姚誼昉 李嘉允 吳維翰

甲集卷三

宗元豫 宗觀 宗元鼎 楊潛 孫闕達

黎曜 黎田 殷暉 田登 黃雲

殷譽慶 張璞 張繹 張符驥 吳遵

汪楫 姜任修 姜恭壽 姜文載 李仙榜

戴勝徵 孫浴 孫玉甲 朱搢 巴鏊

東志泐 東智湧 廖榮懷 袁爾職 朱夢漣

朱學溲 解鼎基 汪從晉 汪超寧 汪增寧

甲集卷四

程文正 程夢星 郭長源 王文充 王履吉

程盛修 吳宏謨 吳宏訓 吳宏雋 林樹宗

徐攀龍 黃卷 孫輻 周祥 朱純

古斌 黃元焯 高詣 張銓 吳鴻紳

黃于詠 俞燾 沈光祖 陳倏 吳文璧

鄭永和 閔華 方士庶 方士憲 任大椿

李道南 喬椿齡

淮海英靈集

鄉人阮元輯錄

魏

衛字廓功，饒人。老于布衣。詩境澄淡。沈沈五言。康熙二十四年卒。年六十二。著有西陲詩稿六卷。

古田舍

雞鳴把鋤出日入，把鋤歸藝麻。日已長，樹穀日已肥。麻熟織作布，穀熟釀爲醪。飲我新醪酒，著我大布衣。不知鄉里外，終身無是非。

茅茨蔽桑竹，雞犬相聞聲。家家春事田，歲莫得休耕。汲水同一井，山花滿柴荆。生兒共嬉戲，至老呼其名。情話在桑麻，飽腹惟藜藿。未見長官貴，寵辱何曾驚。

小山種麥

結廬傍山麓，山田土多瘦。理業當及時，昨日已刈豆。侵晨駕我牛，春原綠如繡。新雨百泉足，平疇遠風透。隨犁土脈翻，種

落亦深覆前村人語響炊烟各相就余亦憩茨宇朝雲拂衣袖

納涼

白雲映空明幽居滌煩暑敞榻臨南軒夜氣清如許蟬聲靜林薄螢火散風緒明月起遙情相思共誰語

春望

溪水碧於染風靜落花微坐惜白雲意遠隨春鳥歸賞心原不易知己况多違長謝桃源子悠然見夕暉

山居

山居如太古蘿薜任朝昏分樹遮檐角留雲鎖洞門只宜高臥穩不共俗情論惟有東峯月窺人入小軒

小隱忘朱紱長歌憶白華理生勤菽粟延賞在雲霞草長山

無徑林深鳥自家，援琴撫流水，檐影夕陽斜。

秋夕同陳子汪子步東園側

倚杖東林曲，清宵月又弦。光能通野白，影欲向人圓。木葉鳥邊下，露華衣上鮮。涼風吹不息，天末起蒼烟。

莫行東園隄上同友人韻

涼風吹霽色，古寺坐秋烟。一杖移雲水，同人聽野泉。池華香細細，草露影娟娟。幽處偏宜暮，遙情落日邊。

江上答次巖寄懷

東望浮雲盡，當君憶我時。半年垂別意，百里寄懷詩。楊柳衰前浦，芙蓉老故枝。看山江上客，兩鬢已成絲。

江深閣看梅

滌亭春不到，相望隔天涯。何意江深閣，能開繞屋花。暗香迷

鳥夢晴雪見人家西郭吟詩客黃昏伴影斜

贈參雪

遠公棲息處萬竹古城東白月照潭上清香入定中心閒諸
念寂境靜衆緣空爲問譚經地天花散幾叢

送鄭雪菴歸武林

亭柳青猶淺江梅氣已新吟詩空握手送遠此傷神舟路雲
生水風颿雨趁人歸情君自慰遙望武林春

歸來

誰惜邗江客殘年襪被歸春風吹短鬢寒雁送斜暉杜甫囊
仍罄陶潛醉亦稀慰情憐弱女向我獨牽衣

齋夕

獨坐懷人意空齋日又昏樹陰分夕照歸鳥度閒門簾影捲

花影烟痕暗月痕美人悵遲暮東望碧雲屯

冬夜坐雨

風雨蕭蕭夜虛堂客未眠新愁惟白髮舊物賸青氈欲釀寒
江雪如聞幽澗泉宵深雲氣入燈影暗窻前

寄洪比玉

江上看花九載過別來雙鬢近如何青山獨對老將至秋雨
長吟病已多久識客星明海甸不辭宵夢涉風波封書一寄
淮陰道爲折官梅與渡河

孫自成

字物皆號介菴江都人順治乙酉舉人丁亥進士
任福建歸化縣知縣時閩廣初平邑中猶餘賊盜

介菴設法招徠之七十餘寨盡
爲良民歸里著賦役管窺一卷

隋宮

禾黍高低大業宮垂楊如畫碧陰籠錦帆無復邀明月玉樹

依然唱晚風螢苑烟花塵夢短
雞臺歌舞霸圖空傷心十里
雷塘路每到春來葬落紅

平山堂讀歐蘇壁閒詞分韻

暢好竹西處相將載酒行
鶯花雙槩住烟月二分明
地以詞人勝泉如太守清
壁閒題樂府千載有新聲
聞說穿荷浦飛觴六一堂
松聲消暑氣嵐翠動秋光
薜爲尋碑刷林堪解帶
量清遊歸櫂晚新月泛橫塘

丁日乾

字謙龍號漢公泰州人順治乙酉舉人

書北固山舊讀書處

少年歌嘯春江外
今見蘆洲戰壘邊
鐵甕日殘嘶獵馬
金焦風勁下樓船
山中短榻禪燈在
橋外垂楊酒市遷
到此那能重寄想
眼中帆影入遙天

陸

舜

字元升泰州人順治甲午舉人康熙甲辰進士初

歸戊午舉鴻博不赴著有雙虹堂集

瓜步

積水荒烟兩岸平三竿落照似懸鉦布帆帖處長空遠沙鳥

飛邊暮靄明雲外沈山連海氣風前吹角入潮聲獨來徒倚

江干樹心跡翻從作客清

劉欽鄰

字江屏其先江西新昌人曾祖讓官兩淮運司遂

西富川縣知縣縣新定百計撫綏循聲日著甲寅孫延

齡叛於桂林其僞將以兵圍富川江屏率親丁鄉勇力

戰御之適有弁士內應者引賊復至城遂陷被執至平

樂罵不屈送桂林守之以兵賊欲汙以官江屏怒冒

擲其印北向拜謝南向拜母作絕命詩乃自縊死

絕命詩

城王文簡公

有詩弔之太僕寺少卿廢一子諡曰忠節歸葬青山新

反覆南疆遠辜恩逆醜狂微臣猶有舌不肯讓睢陽

蕭日曠字穀菴江都人至性康熙戊申年二十六母

俞和藥以進母服病愈而殺菴告天俞以節著里人感之作

請於有司立祠在江都廣儲門外以祀蕭祖為之感

幸以世居城中年二十六邑人請於有司建祠以祀之日

熟以進母母愈而孝子死也請於有司建祠以祀之日

康熙六年事也或曰割肝非也惟聖賢之於親既已

孝子不貴割肝者此聖賢之道也惟聖賢之於親既已

無絲粟毫髮之憾矣故無取乎割肝而為孝於親希有

親者曾不及其妻子女甚且等之乎路人見其於世已

之幸託聖賢之說而死而非毀之可以誠而有一試雖甚

夫割肝之必至於死而不出於誠而有一試雖甚

亦知使之必至於死而不出於誠而有一試雖甚

而孝子雖有是心而當其抽刀自向之時亦將假借於

吾親則凡生有之不啻泰山者矣夫親之死不從人自

也

求

而親居常見於他日之孝也孝子之形不逾中人自

不

子

與幸子同里而子之非仁後孝子性二三其自常以

不

得見孝子爲恨然每過其祠視其遺像未嘗不反復流涕想見其爲人也既以解或人之疑遂書而爲之記元按孝子以行傳詩不多得或有爲琴操及點絳脣諸曲者皆依託孝子爲之言甚鄙俚惟雨中尋某上人一首爲其真本今錄之又孝子制肝前畱書數行今附於此爲男生於崇禎癸未年十二月二十一日辰時今於康熙七年六月初四日因母病篤情願割肝救母自必死男死之後父親手底不足不必多事諸親友亦素知之我父我母年尊仍當保重切勿過爲悲慟令男魂安至於房租兒已一一清算交與媳婦可以放心也

雨中尋某上人

竹澗雙橋細雨霏愛閒特叩遠公扉棲雅送盡日將夕殘磬

一聲僧獨歸

劉懋贄

字質公泰州人

鍾山

荒原六代後弓劍更堪愁落日歆翁仲秋風養蔣侯墓門碑
伏路輦道草成邱縱有冬青在年來幾樹頭

卓爾

堪字

子任

一字

鹿墟

江都

人為

明少

司農

敬之

後人

未二十從李貞公忠節錄二卷幼學擊劍挽五石弓年

摧堅陷陳身被數創猶居士卒先從軍七年以母病乞

歸既遭母喪遂不復出席門委巷賦詩學古與宣城梅

定九曲阜孔東塘黃岡杜茶村同郡張山來吳蘭次納

交倡和仲弟子厚客死粵東以其喪歸以未舉子遊吳

趨納妾蔡雛文蔡能詩以詩聘之鹿墟于思大腹壯遊

四方遼江荆衡皆所遊歷又會航海數千里經普陀蓬

萊觀海市故其詩多雄奇慷慨之音李文襄以爲兩漢

三唐之作著近青堂鬼拜危樓月滿夜烏啼送人詩云繫

寺云古殿鐘清山鬼拜危樓月滿夜烏啼送人詩云繫

馬歌嫌三疊少戀人心覺一官輕方園詩云遠烟村路

白多樹郡城青憶弟云嶺高迴塞雁江遠斷春潮送梁

五梨云鷺鷗思舊侶猶虎拜書生訪石濤和尚云其尋

前代寺徧倚夕陽樓送人見月云看千里月今夜二

分明李文襄公之芳近青堂詩集序云乙卯南征闕逆

年家子卓其書生而能爲灌夫未幾有桃花嶺常山玉

前鋒余壯其書生而能爲灌夫未幾有桃花嶺常山玉

猶居士卒之先惜未獲大用而母病乞歸卓氏忠孝

有本自少司農敬殉建文難其世家之忠孝節烈勿替

兩堪少孤家中落母老弟幼身之所繫甚重因不忍替

留遂其所請而去越十年持所著詩近清堂集政于余

格高法老氣靜神閒其古詩近體兩漢三唐也此真潛
心學古者嗟乎遇不遇天也才不才人也人能有奇特
之才則必有奇特之遇爾堪之不遇爲親也絕裾而出
嗇指而還孰劣孰優吾奇爾堪正不遇也國家優禮
賢士至於巖穴立一代之言而播之清廟亦如立一代
之功而註之丹青余正拭目而望爾堪也世必不許其
徒味考槃而老矣

從軍行

門外戒行李門內辭高堂恐傷阿母意不敢更戎裝阿母方
進食阿弟繞母牀阿妹進脯脩新婦捧壺觴牀下從軍子一
拜淚千行阿母投箸起兒心沸如湯佩兒湛盧劍解兒芙蓉
裳爲兒從容言從軍貴飛揚生當畫麟閣死當爲國殤

桃花嶺

萬壑排雲立當關鳥道斜銜枚趨夜月拔幟入朝霞斷盡村
墟火開殘戰壘花飛來雙燕子會記有人家

銅錢嶺

嶺疑九府鑄天與障孤城樹頂烽烟直雲中笳吹清憑虛張
萬弩畫地下連營神武原無敵襟喉莫浪爭

還家吟

七年事沙場戰士心力竭組甲龍鱗殘寶刀銛鋒缺驕騰大
宛馬登涉四蹶折苦戰不料生生還轉嗚咽歸家解征衣猶
帶戰時血微功安足奇詎在通侯列有母誰尸饗輕生賤膚
髮歸來啜秋菽讀書娛晚節

九日同吳蘭次杜茶村孫豹人家火傳伯平山堂登高
相期不醉莫歸去秋至重陽晴最難風雨每從今日到江山
背負此回看檻平遠岫同人倚心繫南天一雁寒
仲弟子厚
客嶺表
更欲移尊松下坐浮雲薄暮正漫漫

寧羌將軍行贈高枚升

將軍淮南人虎竹分西秦西秦一路通巴蜀孤城四面山爲
鄰五丁鑿開混沌氣一夫當關萬夫畏巖壚八載靖烽烟武
備不忘教擊刺春深幕府日投壺草白城南閒試騎將軍較
武秋打圍超山紫燕凌空飛彎弓射殺兩騰虎父老轅門拜
繡旗割鮮饗士呼行酒并州健兒請擊缶歌罷筵前起舞刀
紛紛雪花落雙手停歌止舞月照營後幃秦女彈銀箏絃繁
柱促調淒楚無端彈出關山聲高堂明鏡悲白髮人間富貴
鴻毛輕將軍長揖軍吏哭萬里歸家駕黃犢五柳低垂元亮
門萬梅新築逋仙屋梅花江南開不遲雪中釀酒雙介眉餘
英吹落斑衣上還憶軍中聞笛時

招寶山

時戰船出洋運
賀蘭敬入都

砥柱浮山出東南入海遙亂峯撐碧落絕壑灌秋潮氣肅蛟
門見風高屋市消幾年無壁壘估客漸停橈

普陀

南海今初到荒涼亂後山野猿吹佛火水鳥傷禪關樹以無
樵長僧從入定還掃除須努力勝境扼諸蠻

行旅怨雪行

冒寒出門去人各有所營朔風翦斷垂天雲雪花紛紛無日
晴馬沒鞍驕驢沒耳驅車壅輪輪不行行止兩不得四顧客
心驚道傍柴門三尺大雪封門逕牆壁破啟門竈無火老嫗
竈邊臥今晨無食身凍僵舉頭向客求衣裳居人狼藉尚如
此道途安得辭風霜

烏龍江

北出遼陽城四野結黃霧自古無人行道里不知數荒江浩
浩流鴻雁不能渡長風捲大旗古岸新立戍暮春草木青孟
夏冰尚銷麋鹿白晝行熊羆啼且暮聞梟異生卒豈不懷親
故有夢亦迷離難辨還家路生背故鄉人死背故鄉墓

戰士骨

巖疆多戰爭精兵每四出壁壘陳當年猛士裹馬革游魂不
還家日暮猶擊賊可憐深閨人萬里夢難得一日聞班師少
婦重妝飾載酒城邊橋遠認旌旗色朱匱題姓名云是戰士
骨死者魂歸來生者痛欲絕昔日鴛與鴛今日失儔匹生還
既不能全骸亦難必檢點舊戰袍血痕和淚拭

碣石衛

巖城沙岸峙鼓角雜潮喧一旅當天塹羣峯衛海門層樓峩

淮海集卷之四
乍見龍雨晝常昏
風景江南異
悲涼斷客魂

蓬萊閣休夏

身與浮鷗同泛泛
殊方幽獨日徘徊
雲中飛閣斜陽在
海上歸帆急雨催
欲辨陰晴觀絕壑
頓忘憂樂是登臺
銜杯荷鍤何蕭散
阮籍終非曠達才

穆陵關

隔越東西地
勞人度此間
千峯盤沃野
一嶺束雄關
疲馬穿雲下
飛鴉觸石還
遙遙春樹外
海日滿前山

上巳孔東塘使君
招同吳茵次鄧孝威
費此度李艾山
黃仙裳宗定九子
發查二瞻蔣前民
閔賓連王武徵喬
東湖朱其恭朱西
柯張諧石楊爾公
吳彤本趙念昔王
孚嘉楚士允文閔
義行紅橋修禊

結伴正逢修禊日泛舟難得使君開

廟堂有議選開海賓客乘時得看山三月鶯花紅雨外幾家樓館綠楊間笙歌更逐輕鷗去徧采芳蘭水一灣

題孔東塘使君送行圖

茱萸灣畔惜分離勤勸金尊緩賦詩舟子也知畱戀意好風吹浪打篷遲

關山

壓嶺爲關氣勢雄征人嶺上觸西風無端雲氣生平地何處車聲入半空乍曉寒潭心更白深秋烏柏頂先紅當年戰馬南嘶日聞說靈旗出梵宮

葉縣別劉德柔湘南兼送之大梁

故鄉見面疎他鄉共朝暮同居廣陵城出門各異路犯雪走

大梁夷門在指顧倘遇屠沽人道余素所慕

光山曉發

風起凍雲裂紛紛入亂峯單車千里道荒寺一聲鐘晴色怡
人性霜原辨獸踪興來思射虎飛將幾時封

靈隱寺訪碩公

青山常入夢今日得重遊曲澗流仍冷青松老更幽題名峯
底石沾酒寺邊樓記得當年事新詩出惠休

凱歌

萬幕連雲片月高琵琶一曲醉葡萄夢中吹角疑催戰霍霍
牀頭躍寶刀

揚州蹋燈辭

柳巷新街燈月明女郎聯臂蹋燈行莫言閨閣人輕出如此

風光是太平

坐羅浮村說東海海市錢塘江潮俞陳芳師言黃文三
唐霞石繆湘芷卽席長歌相贈賦此以答

雙足繭兩鬢霜不窮山谷卽滄浪天涯道路何遑遑錢塘潮
東海市逢人舌底波瀾起未能造語狀神奇人嗔光怪不近
理安得羣公從遠遊我將裸袖爲操舟秋泛錢塘水春臨東
海頭

由木瀆至光福

到此多幽境東風送野航村遙傳社鼓市小接魚梁竹塢朝
烟翠梅林春雪香茅簷曾處士誰爲發潛光

曾青藜
隱此

鄧尉山探梅

未到心先憶探梅此地幽深林多轉折半里一勾畱僧引雪

中展人登水上樓最宜明月照疎影壓扁舟

無題

按此乃在吳趨時詩

驚老花飛惜暮春高槐常與乳鴉親庭前亦長宜男草欲采

誰爲紉佩人

樊瑩

字次白號野漁儀徵人禰祿時父以事戍松花江年三十悲父不還自淮渡河東過萊州至蓬萊渡

海經沙門羅磯諸島抵戍所卒同父南歸時人以孝子稱之晚年又歷游山西江西湖北諸省沒年八十五所爲詩不假修飾卓然成家康熙乙酉勒出塞吟一卷野漁小稿一卷總稱師善堂稿

舟次棠湖

舟行六七日今始過棠湖遊子情何託思親淚欲枯卷書歛枕讀村酒待魚沽明發懷長道風塵又載驅

登膠州城樓

何地可銷憂來登百尺樓連宵得鄉夢一月滯膠州竹樹好

休夏雲峯欲變秋何時罷行役江上問漁舟

月夜登置磯

羈人中夜起荒島約三更不辨海天色唯聽風浪聲月移青壁斷人上翠微平太息無知己相於共此情

廟島阻風

卽沙門島

茅屋炊烟起雞鳴海寺秋雲霞留遠客風雨滯行舟慰寂宜
酌酒銷憂數上樓敢言行旅倦青海尚悠悠

渡海

身世如萍泛渾疑在半空片時凌絕島萬里託孤篷日月鴻濛外蜉蝣沆瀣中孤烟生大漠遙指是遼東

離親所三舍老父遣二弟來迎

書到親顏喜迎兒遣弟來道恂趨問訊下馬各悲哀共話前

山晚相持竝轡回來朝當此候准擬拂塵埃

晚次松花江上拜見家大人聊述問答

生年六十許一半異鄉過親舊今何狀田園尚幾多常因念
子切每苦寄書譌吾老猶強健扶持早渡河

晚次松花江上卽老父戍所

今夕相逢預有期宵廬倚望已多時一聲風策千山晚萬里
塵沙匹馬遲意外悲歡今日事夢中離別昔年思兒童未省
來時貌但見龐眉兩鬢絲

送妹婿白華從軍之黑龍江時余亦將西歸

落月下前楹披衣起送行關山輕遠別十七早從征北望寒
天迴西歸雪路平乘時須努力吾亦事功名

別時承馬遵乾先生屬朱公介菴借余奉父同行歸途

雖不落莫而庶母及諸弟妹依依不忍分手此時真難
爲情也

別酒才傾淚又揮尋思相見此生稀贈言骨肉皆羅拜忍泣
慈親更檢衣萬里關山欣有伴長途父子幸相依同行幾輩
淪亡盡若個鄉閭白首歸

寒夜

宵長篝燈坐夜靜如太古酒力已全消城頭響譙鼓悲風撼
古木寒威逼深戶倚枕不成眠臥聽瀟瀟雨

得舍弟消息

弟在寧古塔諸妹兩
在黑龍江一在瀋陽

有弟在遠方十年無一字未能任耕鑿衣食從誰寄有妹隨
良人辛勤戍邊地迤北三千里朔雪窮陰闕骨肉盡參商相
逢良不易客自海中來而染蛟蜃氣始獲數行書驚喜從天

至楮短意不盡言言少倫次終年不得書書到翻顛顛清淚
落千行不爲聞猿墜

秋塞

大漠黃雲合驚風走鬪馱關人勞遠夢戰士重防秋寒雁過
沙磧斜陽上戍樓時平不忘武較獵海西頭

夕坐然犀亭

然犀亦偶然舊事至今傳松與亭爭古沙隨月共圓空江奔
晚汝萬井聚寒烟一坐真寥廓鐘聲出塢邊

八十自壽

朝來心自喜八十世難逢緩步不須杖重聽未是聾看花寧
負約招飲亦相從飽飯攤書坐宜稱無事翁

江樓月夜聞笛

楓落江聲秋可憐
晚山迢遞沒寒烟
高樓獨夜聞吹笛
有客含愁不肯眠
風亂荻花秋瑟瑟
斗橫銀漢夜娟娟
曲終不起潛虬臥
江水無聲月在天

樊

經

字書山江都人

琴水曉發

披衣清曉望風景
似嘉州山勢層層密
灘聲細細流孤帆
穿亂石微雨集羣鷗
愁煞孤舟客
年年賦遠遊

厲士貞

字烈士儀徵人順治乙酉舉人康熙庚戌進士著有舟南錄二卷

野望

綠暗蟬鳴苦連村
更幾家牛羊眠屋角
鷗鷺浴溪沙
兩岸桑麻密
扁舟風露賒
閒來看紅蓼
獨著水邊花

西湖

涼波一碧靜湖天許我秋來泛畫船三竺鐘聲敲濕翠六橋
疎柳帶寒烟舟牽菱葉人歸浦鼠噉松花影落泉惆悵夕陽
歸權處水心亭上見嬋娟

劉

瑞

字輯五號南塘儀徵人康熙庚子副榜任望江縣
教諭吳越名區遊覽幾徧著有白下吳門越中偶

吟三卷俱未見唯西
湖紀遊絕句一卷存

斷橋

紅杏香中人影亂綠楊深處馬蹄驕幾年踏徧錢塘路腸斷
春風是此橋

湖上

春波載得滿湖船齊向蘇隄鬪管絃誰識石函橋下水滄侯
心事在荒年

王

誥

字楚士江都人康熙庚午舉
人丁丑進士官司經局洗馬

宿黃汶

驅馬入村市人家烟井稠暮雲昏遠戍宿雁下寒洲野酌無
兼味狂歌不散愁更闌人睡起霜月冷橋頭

和吳蘭次湖居韻

岸上牽船興不孤君自題其居曰岸桴青山望似米家圖半犁春雨驅

黃犢一夜東風長綠蒲筇杖扶花尋野寺竹弓射鴨蕩晴湖
何妨老去情懷勝雅有風光稱白鬚

俞

珏

字十毅江都人汪蛟門稱其誠樸孝友文章品詣與弟揚發濟名年三十七而歿時順治壬辰其子

繼善錄遺稿爲凝暉堂詩集一卷文集一卷

題魏子旻讀書碧雲僧舍

即天寧寺杏園

何以咏閒閒攤書半掩關雖邨未遠郭多樹卽成山覓句疎
林下譚禪濕翠間八來不知逕數問杏花灣

有懷

相逢日少別時多千里瀟湘望碧波我在花茵讀書處知君

夢我更如何

徐石麟字又陵江都歲貢生居北湖黃珏橋博通經史與

卿之問錢塘李漁特遊揚州訪又陵于湖中又陵賦坐

終日漁告人曰又陵有道君子向以詞曲取之失之遠

矣所著有蝸亭雜訂十卷皆考訂經史之書又著古今青

十卷又壺天四筆十卷皆考訂經史之書又著古今青

韻六卷轉注辭二卷談駭部中評隲人品之稱訂正詞

坦菴瑣錄四卷詩餘定譜十卷日誦一卷郡縣志書僅數

四卷郭聲四卷添香集三卷日誦一卷郡縣志書僅數

其趨庭述訓四卷天人升降圖說一卷以今考之趨庭

壯遊

自惜身微賤關河許壯遊青雲萬里志白髮幾年愁路仄驚

疲馬霜寒失敝裘封侯時入夢慷慨看吳鉤

同焦載歌登燕子磯

載歌名廣秦江都諸生皓首窮經于毛詩最深著有澹圃詩義甥宮

友鹿嘗從之學文

未晚催舟泊尋山久不回五雲隨罅出萬石倚天栽樹色逃
衣袖江聲入酒杯六朝遺蹟在倦眼幾回開

村居

無求能遠世得意在林深養病容高眼論文絕市心閒從好
鳥出多爲惜花吟何處聞山響松風到素琴

途中作

蕭森秋已暮行李自西東日落遠山外雁來新雨中僕驚留
磧水馬噓帶烟風莫下阮生淚長途豈易窮

山閒逢老人閒話

選勝入山去山幽多隱踪
留雲一片石垂壁幾株松
風定鶴遺斃巖空鹿養茸
山翁靜無事爲我說周容

卜居

近來卜築兩湖間不買園亭只買閒
無限垂楊當屋密有情
流水到門灣白移竹下觀書日
青看林邊拄杖山好客若能
來共詠清樽何事不開顏

黃

又字燕思號硯旅江都人好遊覽足跡徧天下晚年官雲南趙州知州卒于官所著有自疏草一卷

舟中

浴硯澄江散旅愁春風書劍一扁舟
梅花萬樹白於雪明月半絃清似秋
富貴難從詩卷覓飄零判向酒杯休
揚州回首三千里聊借征途作臥遊

江口

一片孤城萬頃波，春風鼓角靜鼉。樓船十載無爭戰，雨積
牙檣長綠蘿。

博羅縣

姚娘廟前江水流，蒲蘆山外紫泥州。秋風萬點鳧鷖動，一片
輕帆下廣州。

懷歸

雪裏辭家萬里餘，天涯風露又冬初。愁多屢貰新篘酒，鄉遠
頻開舊寄書。七尺寒衾霜氣入，半輪殘月夜窻虛。遙聞澤國
逢飢饉，八口時時盼客車。

梁藥亭太史以六律送游羅浮作羅浮歌答之

春風鼓棹羅浮客，慇懃贈我羅浮詩。奇峯四百三十二，一一
杖藜隨所之。石樓軒敞鐵橋底，峭拔嶙峋高莫比。更向飛雲

最止頭下瞰塵寰三萬里耳根恍忽聞天雞玉花瑤艸侵人
衣白雲萬頃起林麓罡風吹作波濤飛俯看五嶺小如指東
南一勺滄溟水龍飛鳳舞紛躡躑縹緲烟霞萬峯紫玉鸞鼓
翼蓬萊宮麻姑壇上春融融憑虛玉女悄然立風鬟霧鬢驂
游龍老人駘背倚空碧下視峩峩五千里廣寒失卻金蝦蟇
塊然化作石頭石朱明洞口仙人家紫雲紅玉青蓮花流梳
池上滴紅翠藥爐擁護生丹砂洗耳泉通石門路石梁橫絕
逃烟樹古洞縈紆廣莫菴騎牛人去歸何處梅花村賣酒田
杖頭攜得青銅錢會須爛漫成一醉參橫月落花間眠洞中
蝴蝶大于手尋巢覓繭村氓走三疊霓裳不可聞蛻化遺衣
今是否拾得幽林竹葉符龍章烏篆何人書山川靈怪到艸
木神仙狡獪何時無水簾碧玉凌丹壑夜半鐘聲雲外落八

仙石畔抱雲眠山鳥一聲清夢覺我來十日山中游探奇索
隱恣所求憑高陟險勞雙足眺遠臨深低九州讀君羅浮詩
更作羅浮歌他年白日騎鸞鶴還向羅浮頂上過

別羅浮

十日山中絕見聞還將山霧洗塵氛杖頭攜得仙蝴蝶飛作
人間五色雲

梁嘉稷

字五棗號灞陵山人江都人居北湖之梁家巷祖

于浹爲明末忠臣嘉稷隨其父兄隱居鄉里不事
生以吟詠寄其胸抱歸老里中益勤詩律所著有萬里
每以吟詠寄其胸抱歸老里中益勤詩律所著有萬里
遊草二卷摘句如鐵索橋云馬一疋畱漢士尚餘入陣在
端蟻附來拜武侯燕子巢空秋社近鸚哥花映晚霞開再
人問龍泉菴云嶺嶠樹遮西日黯關河秋盡北風尖皆可
送黃涵齋云嶺嶠樹遮西日黯關河秋盡北風尖皆可
論

姜青藜將軍招同大理赴任畱別同鄉諸子

爲別交親跨主驄卻攜書劍入滇中武皇地軸西南大丞相
天威遠近同會見送人常作郡豈知垂老學從戎他時君輩
如相憶一片蠻雲樹萬叢

舟中五日

長干畱滯達昏晨綠艾青蒲應候新四序又看逢五日百年
今已過三春尊前勸酒皆行客天末同舟是故人滾滾蒼波
東下急鄉心直到廣陵津

橫港太白書院

供奉專祠碧嶽高仙人曾此領風騷千年天寶悲流水萬古
山靈護彩毫光焰文章懸斗極飄零杯酒入江濤有時月下
吟魂出縹緲雲霞見錦袍

小孤山

楚江一柱小孤山四面孤懸不可攀動地驚飈逢石轉拍天
奔浪觸崖還望中神女空遺廟住處枯僧合閉關終古潺湲
常在耳此心空洞水雲間

蒼山見月寄韓醉白

穀雨晴時遠別君蒼山見月帶寒雲相看永夜惟孤影何處
揚州獨二分會飲離筵難對酒自違詞客不論文南來只有
黃江夏冷宦羈人日與羣

君才如此早歸田我復南遊洱海邊萬里山多人隔世九秋
霜落月橫天時聞嗁鳩來從蜀幾見飛鴻遠到滇遙憶東軒
高會夜掀髯狂叫一樽前

長夏雨中書懷

滇南西去異中州三伏依然擁敝裘石上雲生常帶雨林端

風起便成秋音書不見來黃耳霜雪頻驚上白頭縱便燕山
銘可勒書生無分望封侯

仲冬月夜

蒼山月出太高寒極目青霄帶淚看世上離人長夜苦冬來
天氣久晴難冰霜滿地無行跡關塞連雲絕羽翰木葉亂飛
烏鵲起空庭百徧繞闌干

飛雲巖和壁間韻

偏橋衛石橋之左爲
縣省山川絕勝處

飛雲巖在青山腹曲磴行迴百八盤亂石千峯垂檻外半天
孤日隱林端苔衣迸落穿階水松蓋高懸說法壇頭白老僧
偏愛靜禪牀移向斷厓安

魏嘉璇

字篁中先世由曲陽遷宛平元時始爲瓜州鎮人
生于康熙辛亥秀慧獨出讀書過目成誦丙子舉

鄉試第十九人再會試未第其文波流潔潤頃刻百變
萃甲新意雕畫奇采書法精整極似王雅宜何義門序

其詩以爲馳騁韓門兼采六代之鑿以丁外艱哀
毀咽血致疾卒時年三十三有咀蔗居詩集八卷

贈喬蔚然鶴羣讀書南村

南山氣佳哉，蔥鬱發蒼瘦。烟霧盈青濛，出入在懷袖。有流枕
其清，有石漱其皺。前軒盤孤松，後山飛禿鶯。好風蕩春裾，滿
月破庭廡。花香衣一園，鳥奏譜千味。池光漾簷鏡，雨意潑巖
岫。蔓蔓牽柵柵，纍纍挂瓜豆。遠水截廚筒，宿齒浸蒿耐。拋卷
眠風櫺，抱膝默虛晝。初蟬冥靈樹，濕螢照欄發。夜氣接清息，
空襟謝雜糅。曠然飛所思，萬幻出精竇。九天或非亢，九齋或
非伏。一日千里縣，無以窺光繇。久乃發其藏，罕獲評所構。間
架神翁關，工斧鬼雕鏤。騫翥振清新，拳曲盡莽秀。宣鏞見鐘
簾，捫蝕疑篆籀。脫落若無字，窪稜似生瘻。迺其結撰處，良非
世所遘。經史恣敷獵，子籍羅蒐狩。辨必尋根源，事則討竟究。

搖毫忽塵唾結語羞釘鉅梯梁或不設虛空驀已就攀送奇
生猱追舞翻困狷巨靈已雷碎天門尚龍鬪轉睫遇平迤入
切得幽覆如藍一水瀉落碧千峯收中間際聲牙淺者失句
讀往往抵地罵番番掩鼻走擣摘三兩字徧傳百口噉此事
會真賞勿與解狂訴我生求友朋何意獲親妬角藝自總卅
隨肩每聯裏登盤卽蝦菜著筋聊漿糗溪橋戲新涼竹窻聽
短漏時一作曼聲哀歌來輻輳苦無三日別已得十束候歡
魂或夢呼好句急晨扣爲言南山幽足以快攬驟几案亦復
佳飲噉或不謬小犢良健足長鬚特遣奏蕩然驅塵懷翻爾
一止覲人生相得幾况乃迷天壽我有晝短辭與君當宿留

夜泛紅橋

料理漁竿短袖擎西風湖上不勝情荷花十里香無路月下

扁舟月上行

惠山用舊韻三首

曉弄鴨頭水，鬢沸風蒼蒼。帶濕入惠山，雨氣吹欄堂。飛雲一壺中，下見孤鳥翔。豈知松石外，別有玲瓏光。曠然外塵際，梅檀來清香。壁語愛蕭姿，再讀何能忘。

往者蘇與秦，并是不羈人。翻走山水窟，破力追清新。天風振遙唾，吹彼潭中鱗。攜來參寥子，寒衲埋山塵。懷古墓，隱居同唱高秋。旻傷哉，後遊者誰與僊踪鄰。

琴筑何年音，斷續發莽樾。石龍逃口根，寒源釀清絕。乳香滴巖甌，衆瀉一掃滅。挹酌炊山枝，紫餅潑團月。俗喊應莫齊，澹與幽人發。此中隔區寰，足以延臥轍。

長清道中晚步

長清雲出谷晚景濃穢含風巖落遠瀉入坳如重甕紅霞格
深麓斜透孤峯嵐寒條蔽鴉陳市噪何枝堪舉舉征途子一
駐黃埃驂微憩更起步山脊潛一菴紙燈垂鏡盃入門照瞿
曇中闕尋丈臺夾道紛杉楠婆陀迴餘光坐聽鐘磬韻恍洗
百塵慮貯我冰雪潭道長艱一好行旅心如快疲骨支危韉
楚聲何呻喃有如萬鈞弩直令雙肩擔前日初過蒙昨夕更
宿郊數程不過半客味良已耽所愁狂風沙何獨惡飲饑今
夕足微歇月鏡開新函飽餉飫餐飯麤糲亦已甘大肉與硬
餅奴僕尤恣婪秫釀且冰烈稍啜無流貪空山逸遠夢裏襍
聊餉酣如何動銜櫓曉風生氤氳星高四方白寒氣侵秋罈
馬尾刷蕭梢杲日開山南還將塵土跡飛飛逐鴉鷄

吳豹文同年招集存園次儲同人先生韻四首

季子秋風客幽園二里橋野人承折簡騎馬得今朝
稻雨微開日唐陂漫決潮入門驚屐齒深翠欲侵霄

菰蒲隔烟水到眼盡空明石滴流雲潤人吟墮葉清
鉏犁經指點魚鳥狎逢迎竹散城烏影危聞海樹聲

閒中甫謝病勝日一登樓近隔雙星夜知懸幾葉秋
酒容欺落日歌調起潛儵冉冉看歸鳥林藂薄晚秋

蒼葦紛相繚盤陂亞欲參淡烟籠早桂埜服上疏嵐障面憐
腰扇分香到竹簪歸塗仍試馬涼月落甍甍

中秋吳江張宏蘧太史招同喬無功舍人汪民長喬鶴
羣沈鳳翼鮑又昭郭于宮諸子集杏園寓齋分賦白露
暖空素月流天得白字

芳世舉長籬清景落寒碧翩然浮窪樽對此秋風客縹緲神

仙資遐瞻起岸幘駕論凌歐陽史才俱通覈力破千古蒙有
如奏刀割蒼隼離繚鞚追攀失行跡聊伍帳下兒敢接子布
席醉語恍衆驚榼飲尚堪百涼颺吹衣來空亭下露白繁燈
競河塘歌鼓未狼藉無月亦武工平山况咫尺夜黑呼歌船
先生山水癖

陳生少年射雉歌

野雉飛飛烟箴箴雕竿三尺削紫竹犀弮風鳴月墮腰繡襜
寶勒旋裝束猿臂雙開挽玉龍一雙錦翼貫金鏃連錢四蹄
捷若飛紫燕掠開春艸綠短裘窄袖騎春風一片落花衣上
撲興酣自唱歸去來馬上分心戀紅燭

追和江風山月亭

亭爲瓜洲熊氏別墅元至治中翰林

人書今失之矣詩載蜺卷集中并郡志
熊之裔孫偉男不忘先蹟屬同人之

一髮青天失萬艘危樓獨倚峭風高隔雲飛錦入寒月對海
彈絃清夜濤集響空多宜嘯癖能吟老去尚詩豪祇今避暑
名園地自對秋容醉濁醪

大雪亘十九日夜苦寒病中用昌黎韻

我興不及晨四望羣愁兼天低急寒吹短景奔飛廉拳曲縮
雙肘拱竦如撝謙銀海眩千丈觸耀同畏尖病齒嚼氈毛那
復能苦甜醇風剽冰骨酸切猶鍼砭朝埋日中烏夜死月中
蟾攢嵬凍塊萬垤難窮覘祝融自告休不令秉畀炎烝陽
卽內伏呵氣徒濡沾莫知體膚在螿脅疑腰鎌數時盡兩九
髭折不可拈互斃半鷺鴨閉呷口在箝廐馬失寒鳴蹄跣如
槌籤小止間更作先積侷尤添糝糝重墮筵萬象蒙縹緲寒
蛟豈可骨枯穴深藏潛玉龍峭飛墜垂垂紛長髯剛風碎百

鳥天意詎欲殲幽人鬪奇句好事窮靡織而我抱耿塞興物
良已淹有類簷僵鵲不及登庖煇黃雲覆大野晴課誰能占
華堂良作瑞茅屋殊增嫌衣被澀冰裂入夜愁眠苦吁戲室
憂集忡心胡時恬但令悲歲往拊臆洩漸羸影貼壁火困
鏡驚模瞻破帽印空霏大撒匪擬鹽誰能細斟酌與底多悵
愴寒灰手撥爇坐歎徒褰簾卓背望盾日襖暄辜前簷堆霰
及微杲泐處終淋黏寒鴻在江濱所戀聊蘆蒹我錐雖壁立
亦復深帷檐四序會有此我裛無終厭

奉懷熊大丈偉男先生

陸處舟居仍水屋閉門卻掃近何如人呼龐蘊爲居士額榜
邵菴有道書常聽擊音知海定莫教拄杖與春疎吟成愛倚
檐花笑綠雪盈軒茗熟餘

汎舟觀荷二十韻皆同年社集

鑿水沿湖曲，拏音款野空。馬嘶看權亂，舟劃見葑芃。萍擬埋
盆作漬，猶涌桔重規。瀛宜奧衍入，鏡始迷濛。罟布疏亭苗，汀
陰小菖蓼。魚兒上扇影，禽子側檣風。負曝龜浮蓋，翻波鶴沒
羣。珠跳水白面，面覓雲紅幽。拂襟掀處清，含石激中是。花
當有主沒骨想，非工貼地金。如糝搖泉玉，有淙鷗頭語。采曲
殿腳憶游艖，濺露裙猶濕。聞香路杳通，蛙田歌入部。象鼻酒
傾筒，檣便牽牀。趁烟消著月，籠雨吟無島。叟池會得山，公人
面有如此秋。葭孰爲容當，筵斥瓦奏過。目失萍蓬半，展紅燈
近深愁。白曉窮琵琶，有江調妙撥。試催馮。

汪士裕

字左巖江都人康熙癸卯舉人官太湖教諭除服補沛縣教諭又移廬江與同族叔定蛟門舟次及

吳蘭次諸人相倡和所著有適園詩鈔二卷

哭黃五兄文中

別君薊門去君病不能起墮淚呼余言交情今已矣聞言心
悽愴出戶行復止我今復來歸叔度身已死清琴爲誰彈遺
緘不忍視寧獨悲離羣傷心在知己

送王西樵先生歸山東分得白字限十韻

夫子何清真耽志在泉石甘與漁樵人放歌情共適出門隨
所之偶爲廣陵客秋柳已蕭蕭蟲聲夜相迫感茲景物遷彌
令鄉思劇斗酒告朋好離羣在今夕涼風颯然來殘荷香古
陌歸興不可畱臨岐殊脈脈馬首迎來雁落日隱孤驛佇看
過隋隄蘆花秋水白

送家舟次之龍岡

聞說龍岡去應從覽社行天空湖水闊風細野航輕此別無

多日相依忽五更生平遊覽地吾最憶孟城

晚泊富陽

片月桐江冷南遊已暮冬人烟迷古渡燈火暗前峯濁酒荒
村覓鄉鄰客路逢今宵歸思切愁聽富陽鐘

長清道中

曉日長清道山山共翠微懸崖通野寺落日對柴扉村犬上
橋吠谿禽貼水飛杏花開滿路有意送人歸

眞州雜詩同蛟門舟中作

眞州風景異城市卽江鄉近水籬偏短平疇麥漸黃田家足
鵝鴨鄰女各蠶桑散步微風裏薔薇處處香

極目臨高閣銜杯對夕曛樵歌原上返山色席前分深柳啼
孤鳥空江影片雲波濤聲浩浩醉裏不堪聞

畢

銳

字甲辰進士

江都人居北湖廟頭鎮康熙癸卯武舉人平壤衛守備善畫山水年九十

卒

· 荅漪菴

柴門終日靜晨起不妨遲
圖史目常飽交遊情近疲
才疎成隱拙歲老澹情癡
莫怪秋霜早東籬菊滿枝

王澤孚

字子年興化人

遊寶嚴寺

烟蘿滿目客來稀寂寞花宮
畫掩扉塔裏懸燈千佛定
雲中託鉢一僧歸傳經寺
古松皆老施飯臺荒鳥正
飢我欲焚香持半偈石壇
無那已斜暉

張幼學

字詞臣泰州人

宣鎮雜咏

傳聞竇憲勒燕然山在桑乾衆水前馬谷晝開神峻過羊房
春盡乳羝眠將軍漫拂兜鍪土野老仍耕苜蓿田指點廣靈
門外樹王栽今已十三年

史克封

字東崖江都諸生居邵伯鎮工草隸
康熙時卒著有扣角下簾餘聞諸集

融屋落成與諸同人讌集

數椽新構稱幽居花影重重竹影疎似織流鶯穿屋去如鉤
纖月照窗虛一觴一詠情俱暢爲圃爲農學不如自是漆園
濠濮趣笑伊非我非魚

王令樹

字桐孫泰興人康熙癸未進士官四川富順縣令
政成擢禮部主客司主事歷官侍御所著有映日

堂詩
六卷

江淮歲修戰艦每封青樹以資板料里人苦累久矣宋
使君獨捐清俸購買他所德莫大焉賦紀其事

江有戰艦曰沙曰唬歲久則修之府牒下如雨

亦有歲修錢庀材苦不足爰集斧斤來伐我江頭木

江頭木幾何禍茲邱壠樹幽魂不得語子孫不敢怒

或訢之官曰有成例胥歟役歟因之爲利

誰實階此爲木之妖豈無鶴與鶴不敢營其巢

居人是依行人是憩譽彼嘉樹使君之惠

使君爲誰厥維商孫願無剪伐庇我後昆

黃沙驛

官檄催何急山程度更遙亂流爭短筏仄木架長橋邊徼斗

形怪牛背突出兩肉如駝駝狀昏林虎氣驕行人魂欲斷岩半語鴟鴞

黃牛峽舟中月夜作

萬山朝白帝一水下黃牛不識啼猿意何如旅客愁風流誰

屈宋談笑有孫劉爲謝江頭月多情照去舟

秋懷

一官况味已蕭疎幾夕新涼又旅居敢比昔賢門有雀每同
下客食無魚鼠飢苦覓空瓶粟盡飽猶殘做篋書隱几怪來
蝴蝶夢西風吹不到華胥

王新銘

字湯又號潛夫秦興人桐孫侍御之子由河工起家官東平州知州所著潛夫詩鈔八卷百花吟一

卷

持螯歌

青女玉腰飛娑娑霜天亥日招潮多山家愛此風味美垂涎
試作持螯歌當歌放筆苦促數爾雅不熟奈若何側聞蟹者
介蟲屬穴洳食莧時有毒解甲易跪腹稻芒含黃斫雪登旨
畜蠕蠕食指纒告動郭索忽然入我夢環拜階下似有言

沫引聲時一控自出草泥鄉執穗以朝王介士外多足公子
中無腸族類十有二湖海永相望會濟波斯厄亦告道鄉祥
頗有象物智人世爭比方湯以候吾眼琴以譜吾行畫以寫
吾爪績以盛吾筐夫何象列三辰次而乃身遭五鼎烹君不
聞宋皇當日事舉箸不下旋投置又不聞坡仙蓬餉饋不以
口腹傷生類主人聞言輟然哈天生爾曹供吾儕弱肉強食
古如此矧爾蠢物非雄才爾行詡桀步虬會不能赴爾名號
擁劍鼠會不能捕但令喙稻種不移嗷嗷下民將何哺若不
永勅充庖廚橫行恐復逃江湖玉鴉叉下呼青蚨急遣羈奴
上市沽黑投雙螯湯沸鑊紅登一背膏溢孟莖以薑芽沃苦
酒還招麩生來坐隅左手持螯真得意蒲桃滿酌頽然醉興
酣自和逋仙詩不然更付門生議

桑

字楚執號雪菴江都人康熙丙寅歲貢生工書畫善屬文著有編年詩存四十卷文集二十卷廣陵

紀事
四卷

四月卽事

日長風細總相宜正是淮南四月時
新茗如槍開蟹眼含桃作彈打鶯兒
池塘畫槩翻荷葉簾幙銀箏唱竹枝無限含情
非中酒不禁雙臂軟于絲

陳秉樞

字叔霞興化人忠宣公之後著有借雲堂集

過洛陽橋謁蔡公祠

七十二門下寒潮日夕奔人功
愁海若鬼斧鑿山根石壘蟻
房屋沙翻郭索墩獨慚題柱者
車馬傍人喧

繆

字澧南號湘芷泰州人康熙己丑進士第三人授翰林院編修五十二年充會試同考官五十四年

給事中雍正元年奉

命采穀江西得米六萬

千石以飛輓不便

太僕寺卿赴江西採買之米現貯本處請運送浙江庶官

疏言臣赴江而浙不待月使六年擢內閣學士出

米無涸爛之虞而浙通政使六年擢內閣學士出

年轉四譯館少卿四年遷通政使六年擢內閣學士出

按山東蒲臺縣令朱元成許王僧慧侵鵬帑項事坐元

成誣如律剔隱匿酌增折獄之公即不能因緣為奸查東

省鹽弊搜剔隱匿酌增折獄之公即不能因緣為奸查東

遷工部左侍郎尋調刑部左侍郎十二月疏陳鹽政事

宜設官坨以靖私販設水程單以專實成凡所建白俱

杜營汎勒索復分司運判之職以疏入成凡所建白俱

有裨于時以十一年十二月卒遺疏入成凡所建白俱

文靖云嘗見佳時勝賞襟裾有餘園詩鈔六卷溧陽史

掖髯四顧旁若無人擊鉢古詩上凌鮑謝七言則元不

能給北平黃崑園云湘芷古詩上凌鮑謝七言則元不

錢劉抗行無讓長洲沈歸愚云商邱撫吳定江左十五

子詩意尊韓蘇故於橫空硬語超邁俊逸者多所採擇

今餘園孟縣眉山者有艾蘿耶唐金志章云其少作之

馳騁於孟縣眉山者有艾蘿耶唐金志章云其少作之

餘篇為稷米集今審之亦無存者同里盛修云先生百

早年以詩鳴與同鄉史蕉飲顛花田王方若分茅設茲

振響風騷繼以文章經濟受知

王孝子詩

丁徭昔繁重間戶多逃亡文安王氏子飄泊辭故鄉棄我舊
井竈舍我舊耕桑甘心離匹耦各自東西翔

故鄉不能歸涕泣淚如雨一燈何熒熒健婦搗門戶生兒在
襁褓日夜尚須乳

兒生未十朞兒志如成人上堂問阿母生我兒有親兒生不
知父兒不如鮮民阿母爲兒言汝父久埃塵天南與地北欲
見愁無因孝子聞母言含淚聲酸辛

酸辛不能語獨立心踟躕奉母居道旁冀得達音書朝來撤
勞薪爲客具晨炊客有遠行者孝子前致詞兒生本有父遠
隔天一涯長跪進履襪爲兒一尋之荏苒又十年消息斷路

歧

團團復團團爲兒授家室登堂見花燭吞聲哭不得兒生未
識爺何以安枕蓆誓辭連理枝永遠事行役再拜阿母旁泣
血澆顏色

出門何所之惘惘別里門長號感行路天地爲之昏日則望
雲馳夜則戴星奔飛蓬轉天末何處尋本根

出門無所之竄身落山椒望見田橫島悲風何蕭蕭海水爲
不流嗚咽凝寒潮

屏營巖壑間僵臥荒祠外精誠動木石魂魄交冥昧開門揖
老叟夢中與神會設食見指南忘味任粗糲當歸乃隱語不
聞附子膾

迤邐入東南山澤形神枯黃沙蝕顏面瘡痍生肌膚何期帶
山下惘然逢精廬佛香飄院落有客蒼髯詢知舊鄉里驚

喜立坐隅尋聲如識面精神相感孚父子抱持哭淚落千關
黎

慤懃勸還鄉緇林戒行李入門見老妻毀顏已暮齒新婦潔
盤餐爲翁具甘旨至行格天地和氣洽庭宇高曾遺矩矱子
孫徧朱紫至今道旁人齊歌王孝子

和陶靖節飲酒義農去我久一首韻

末造方任運達人思葆真抗志慕皇古惟以返吾淳六經正
燦設光景日常新俗學尚虛無咎不在嬴秦禮樂若極楛典
籍同埃塵卓哉柴桑叟迷古何慤懃途遠轍自合跡異神彌
親昭然揭大義爲世通迷津獨立魏晉中岸然古冠巾飲酒
乃寓言所念義皇人

清響園夜坐

綠雪覆層臺燈光散瓊屑風簾轉暮鶯暗影露明堦春愁學
杜鵑深春啼碧血漏永怯衣單銜杯翻凜冽繁星燦於螢疏
璃淡於雪相逢賦玉筋不用誇金埒詩奏無絃琴餘音渺難

輟

六境圖

六境圖爲商邱公生平宦遊之地其詳見公集
中烏目山人王翬繪圖紀勝庚辰冬日謁公於

揚州官舍出圖
相示謹和六章

洗墨池

髯公在黃州五年謝朝請閒客閒處所渴毫日馳騁

坡詩人
言此閒

客宜置
閒處所

洗墨雲滿池元液沾藻荇科斗食餘香吐篆色猶靚

池蛙食墨口黑
蘇公筠廊雜記

如何遺跡湮蕪穢同智井偉人初判郡晏坐

樂清景訪古坡里坊鑿池可容艇獨木駕爲橋披拂滄漣影
雪堂旣幽敞竹樓亦高整後楹羅簾編前庭植文杏風流溯

羈公勝事一一省舊遊曾幾時卅年彈指頃

忘歸巖

虔州山水邦所至足登眺千峯儼玉架一水如珠抱茲巖尤
瓌奇岡形莽奔峭神工巧爐竈造化蓄靈奧得名訝何年創
自姚江老凭高豁遠目雙江流浩浩憶公弭節時題詩上烟
嶠振築塵外游洞壑窮搜討飛觴偕隱君僧伽爲前導彭處
士躬
菴魏處處
士躬落葉滿衣裙雲深不可掃尋寺與看山乘興從吾好
酌酒弔陽明後先實同調螺亭一點青城郭烟嵐繞披圖我
忘歸臥遊領其妙

潞亭

東華十丈塵蹴踏澆我衣閒來潞河上洗眼見釣磯風檣雁
齒列搥鼓當斜暉憶公拄笏來觀察臨近畿訪古葺小亭嘯

咏都忘歸鷗鷺繞檻前撫景且息機高吟醒夢寐振筆瀾珠
璣四圍雪色壁深夜彈朱徽喧囂忽夷曠令人思翠微森森
鮑邱水寒碧遙相依盤山在東郊悵望雲樹稀晴翠落檐際
對之色欲飛至今通潞津突兀畱清輝

鵲華秋色堂

鵲華好山色縹緲梳雲鬢合沓雲氣繞碧玉相縈環正如雨
美人對照蛾眉彎吳興有圖畫妙手追荆關擘窠顏中堂秋
色紛鱗煽放衙紫翠曉捲簾紅樹殷停車不出戶晏坐看秋
山星軺遽南發未得窮躋攀半年住齊州悵悵別孱顏韋巷
清夢醒幽意兩山間

烟江疊嶂堂

開府洪州時政成最清曠間爲北蘭遊寄興臨霞上萬朵青

芙蓉烟江羅疊嶂畫本落眼前真宰勞意匠晉卿繪佳圖結
構此仿樣王蘇不可作築堂聊俯仰匣中趙沈筆補景足相
抗晉卿烟江疊嶂圖東坡題詩真跡不可得公清光好摹寫
抗有趙承旨書蘇詩沈啓南文衡山補圖卷
佳氣倍神王曲曲棟花坪名自邵叟創邵君子湘一勺九甘芬淡
雪難爲狀楮袍與箚笠借扶方竹杖賓從皆雅流同時發郢
唱東湖諸父老思公還悵望何時節督來空堂再相訪

滄浪亭

平江富烟霞名勝詎云乏劇憐蘇長史遺跡日摧拉南園幽
曠地一水亂鷺鳴舊有滄浪亭荒廢失修葺復古藉巨公捐
資施版鍤當時太廟災封事最淹洽徒謫來中吳歲月熟羊
胛顛蹶了一生何異走夔峽身後萬口傳生前百寮壓數椽
妥吟魂欄楹未福狹春風三月來流鶯啼恰恰空亭一葉舟

不須泛蒼霄

登鳳山頂望錢塘江

江濤如雷碾春擊寒天西老龍作長吟束縮如兒啼絕頂凌
蒼髮象外淒以迷俯視浮海蜃滅沒如白霓盤躡據飛崖百
丈窮鉤梯元精羅心胸蕩滴雲霧齊風急吼霧號白日空中
低一髮杳莫窺弱水通合黎

渡曹娥江

萬朵青芙蓉嵐光足怡悅小江何連卷奔濤如濺雪娥兮乘
潮來玉佩紛粲設明璫儼水仙驂鸞致幽絕捐瀆與撇漩真
氣相團結想見浮沈時剗波犯層穴遙山偃修眉尚露亭亭
節

題春雨草堂圖

故家驗喬木古水蟠蛟龍披君草堂圖使我思盧鴻堂中老
仙人著書學王通一幅古冠巾涉世貌何恭曼行蝸牛廬長
愛逍遙翁亦有陶通明庭院哦松風北窻跂脚臥時時方雨
暄東海日栽桑北山支短筇一徑桃花源穀紋磨青銅洞中
吠雞犬疑有漁郎踪當時俗淳樸年歲尤和豐里俗敬儒雅
門戶無闕攻先進標風格一嘯驚鴻蒙絲竹時陶寫賓客填
雕櫳青芻與白飯早韭兼晚菘日有衣冠會蔚爲淮海宗仙
人去已久遣書待所衷轉頭四十年甲第高龍提膝前多才
子聚散同萍蓬憶我丫髻日此地時游從漉魚羣下水敲石
齊登峯三月修禊事九日問菡叢君家諸年少痛飲玻璃鍾
樽前黃繡綽座上商玲瓏落索箏琵琶急景何匆匆競將劉
白墮醉倒王無功當時樂莫樂睡味松根濃覺來西山寺彷彿

佛聞晨鐘前塵與影事思之傷情悰與君聚邸舍策策雙梧
桐展圖逢舊識細雨方濛濛園中雜花樹依舊堆青紅湖山
不歸老老鶴畱樊籠浮名多悞人有如送雨虹狂斟秋露白
一澆塊磊胸

重集武家窠

風氏園旁數武有武家窠與黑龍潭相對
水木清華渚較環互風日澄霽宛似江南

癸未甲申間時從典化總憲往遊公身居廡廟性嗜
烟霞將於此移築甯陵館以爲登臨之地未幾仙去
俯仰之間頓成陳迹丙戌秋杪同人復經此地悲從
中來罷酒不慚憑高南望有淚沾裳諸君不知以余
爲酒悲也歸來燒
燭成五言古一章

近市厭蒼通退朝憐馬汗謝公具閒心不受簪裾絆南臺偶
清暇幽尋巖石畔蕭然淡容與解帶一笑粲古水如車輪遙
山列屏案蒹葭秋意冷魚鳥烟汀散用洗塵土腥掬水自澆
盥卜地將誅茅高處置亭觀廚中阮公酒林下嵇生鍛寄託

有間情壯遊正汗漫何意竟騎箕海山歸夢斷萬人悲莫贖
百歲甫過半夜臺妖鳥叫西日黃雞喚山邱今已矣淚落如
珠貫彈指去來今恆沙劫難算支筇一憑弔陡覺星霜換沈
潭蛟蜃徒荒樹狐狸竄倚闌思往事客情若冰炭風幡吹寺
門苔莎繡井幹罷酒不成歡歸途意凄惋

夢與東坡言芙蓉城事甚悉坡公口余前詩挂漏甚多
醒時追憶其語補之仍用原韻

芙蓉花開香青冥城中環珮聲東丁美人影入琉璃屏衣衫
飄緲光娉婷紅綃萬縷花烟青花枝歷碌鋪繁星浪言服食
能煉形雲路千層誰所經荒唐此地棲真靈蒼虬導入驂雲
輦或云主此石曼卿四天王映花芳馨觀文幾會歸紫廷恐
是浪語朝士聽流傳遂曰帝所令城中設置何軒楹臨霞帳

望不可憑丹樓漠漠風清冷丹樓失鑰夜不扇瑤英偷入騎
鸞翎丹砂鍊就驅雷霆歡攜子高坐中亭元猿白鹿可結盟
美人三十欵鈴擗丁公吐語風觸鈴延年倒臥醉未醒夢中
絮語方吟嚙牀頭倒繫雙玉瓶百日易過淚欲零塵埃一墮
罡風腥素驢恍惚嘶空溟道逢東坡訴飄萍恨不長年守黃
庭下士瑟縮如焦螟且飲美酒爲延齡莫恨孤凹與絕邢

後舞燈行

偶同諸公卽席拈韻限曲度一闕各成長篇以此曲共三十六字故成三十六句也

陽烏落盡參旗平珠海七寶非哉生沈沈龜甲罨香夢乍透
湘簾一片明明妝隊隊列西第長袖窄靴爭妙麗一聲羯鼓
穿雲烟數行彩焰流高髻盡擁鴟絃唱渭城琉璃如水照歌
聲神女峯前雲欲落洗頭盆下夜初晴乍看燈影層層別恍
若迴風舞春雪尋春陡見洞門開屋梁盈盈古時月玉簫吹

起艾如張舉袂拉雜疑星芒水晶鈿映三三徑白玉釵凝六
六行遊龍驚鴻轉香霧采鷁飛來看競波隨風上下紛晶燄
繡錯湘裙多卻步錦裯綺褥宵烟紅秋波銀燭相玲瓏投罷
柘枝搖火樹更番白紵倚薰風矚光片地艷飀滑鳳脰雙雙
憐翠襪驚聞屈戌走微香澄鮮驟現芙蓉塔今宵百疊渡銀
河萬轉千迴舞態多爲語司分停彩箭別思依依託綺羅

焦山僧葺山志初成索予題句因書卷尾

三山一氣青蜿蜒峭帆擎破空江烟數聲漁唱隔晴碧夕陽
杏森聞扣舷菜翁花田先生逸興何軒軒振衣直上秋樹巔漫山

紅葉絡碎錦青黃雜糅波中天蝸牛廬中草芊緜坐聽江水
鳴濺濺我擬將家傍巖住焦公祠畔客醉眠雷轟古石雷厓
邊八行道墨當時鑄馬鳳笙今何處所女郎佳話千秋傳石

惟法華集卷之七
有鳳笙

前塵影事空憂煎不到此山已六年寺門行過雙淚

題名

落天香主人今已仙

癸酉秋會侍先君遊于此

茲遊悵惘空迴旋名山一

日難延緣牽船欲別不能別一江秋月流娟娟

贈花田先生

啖菹演雅幻奇詭廣奕磔鼠饒名理昌黎東坡庶相似石湖
山谷安足擬野豬峯頂仄容步蒼舌哈呀莽支拄洞天林屋
恣幽探筆鋒鑿鑿真宰怖論書百韻極根要盤空硬句能獨
造殘膏賸馥沾溉人潛溪何曾及君妙圖山入戶當秋陽陶
穎史飲蕉佳句垂光芒汪侯堂老輩不可作春泥三尺埋蜀岡
哭汪詩擬祭韓體音聲拉雜詞斐亶堪嗟地上無良朋茶村
老去漑堂死脾脫一世君誠豪冥搜元覽窮秋毫彩鸞寫韻
伯虎貴妃浴周昉兩篇卓犖尤蕭騷蒨郎畫馬選絕足曉行

秋棧峯初沐

以上皆集中近詩

心通馬語巧摹寫口繪山容轉清淑

拙處埋機冷賣巧詩中忽作健兒撲

集中有觀健兒撲詩

一卷冰雪誰

能諧金膏瑩淨無纖埃迴環瀏覽醒曠眊何時一訪華蟲齋

傳鈔箋釋擁萬卷精甲三千固由鍊振興大雅破邪廓陶鑄

餘子空壇玷典誥玉局荷殊褒從容紳珮還江臯對客手持

玉麈尾獻賦新著宮錦袍清和時節吳陵路斜川月落拏音

去顧曲當筵記豆紅片言脈脈申情愫窅窅寒風巖罅吹黃

綢被冷夜闌時茗攪枯腸聽鼠齧磨丹似血哦君詩摘詞振

藻氣排鼻朱絃疏越出清廟神仙語氣及不得神龍戲空勢

天矯球鏞重器非笙竽酌我沈瀼形骸蘇鴻才壓倒四天下

豈止二十年前無如余下根失裁翦溷跡江村日頑蹇蹉跎

學殖日就荒浪死虛生恐難免紙窻銀白地爐紅邀君說詩

草堂中急倩小胥安筆硯定有奇語開洪濛

踞酒石歌爲顧花田賦

踞酒本元次
山石魚湖歌

薜花纏裹蝸涎交蛾綠秀色森塘坳嵌空一竇此何物非觚
非觥泓然甌鴟夷滑稽皆不若酒海旋注浮花泡紫巒玉笋
共杯益銀鬢翠勺真斗筭初疑商周彝又似虞敦雖渾朴不
雕飾肌骨森蔚蒼勢若怪獸獐以蹲阮嵇色動不敢捫莽莽
雲痕雜酒痕纈潤削成土花碧山瘦木樽苦偈仄頭沒其中
渾不識細看乃是雄雉齋前之怪石雕尻股脚形呀呀脰臍
凝結青無瑕犀株半笏儼酒庫華蓋一峯如麴車中容百斗
形渾朴白石蓬蓬霽雲落豈有巧匠能雕鐫無煩鬼斧助鏤
琢雕玉之几躩碧樽末造怪巧徒紛綸絕嫌蓮子蓋細瑣此
豈可以膏吾唇清霄吐納皆沈瀛酒旣甘芳石耿介雲嵐草

木盡沈酣終古酒樽出魚背我聞千年酒星墜爲石莫作秋
山秋水骨幻爲酒器常輪囷不見鄭家身後欲葬陶家側此
石或者鄭所化釀王司酒正厥職啜醕時見劍門開濡首亦
駢仙掌出葡萄釀美雙瓶矮不如屈注滿巖嶮三茅地肺爲
糟邱二華雲氣變酒海浮白喝月掀吟髭老顛拍手張兩頤
麴生風味旣不惡石丈標格尤躩踞濁清賢聖置勿辨狂來
且復大吸之不然撐腸拄腹五千卷非此何以發洩胸中奇
珠賧秋簷細審視雲夢石豨未云似仇池枉用誇羈蘇不能
照酒亦虛器街南柵酒聲淙淙築壘要使糟邱降長鯨百川
任意吸會見五腹如胷肛酒家南董君不愧小謝作歌清可
味煩君多儲酉斛松醪春待我爛醉高歌枕石睡

歆帆石歌爲顧花田賦

質如烟島排琅玕色如墨鴉堆髻鬟壺中九華未足擬杭池
一穴通躋攀千峯萬峯縮盈寸屹立不動形孱顏清肌滑笏
不受拭几席四照苔花殷石帆幾幅疊巉峭石桅一道分爛
漏宛如靴紋浪初起半奩明鏡開秋山週遭上下渾一碧橫
排巨舸山中間水肥山飽旗腳轉或欹或側波迴環石公石
姥相背坐中流歌笑何疎頑天翁好奇露狡獪生此尤物驚
塵寰黃牛白狗千重灘世上行路何其艱收帆不住落帆少
可憐人命如草菅何來此石帆影間居然小泊黃蘆灣虎頭
收拾歸都籃只恐天風一縱凌潺湲

樓村夢至一處梅花滿庭一老人以杖數樹云此十三
本以付汝覺而屬禹鴻臚尚基繪爲圖今欲南還以圖
索句作歌贈之

東風吹夢來蓬瀛梅花萬樹縱復橫長條紛紛玉蝶舞細蕊
粒粒朱砂頰天香國艷正狼藉遙山遠水方河滢夢迴攬身
落何所月中田地非人行龐眉老叟揖客出以杖劃地鏗有
聲指付梅花十三本赤髭白足鮮送迎醒來繁花猶在眼銀
色世界中呈先生胸懷冰雪清吹花嚼蕊空復情孤芳與
世少合逆亦復與世何所營十年歸計苦未成荷衣蕙帶藏
筍簾汜光湖南好烟水旋鋤小圃依江城便可栽花擬夢寐
橫斜幾本遮檐楹愛看紅萼敷玉頰時遣翠袖彈銀箏人間
萬事適意耳超然齊物何虧盈垓南春酒亦已熟一卮聊快
傾生平

烏獬豸歌

永商邱
太華作

濯龍門外香塵起天廡飛龍五花紫道旁借問何光輝尚方

賜馬尚書歸尚方駮牝三萬匹

至尊妙選皆辟易衆中韜出安而馴

賜之可以榮老臣錫汝佳名烏獬豸果得千人萬人愛虎文
龍臆身權奇雕章寶鐙黃金羈胯聳蹄懸屹不動須臾蹴踏
神俱悚涼秋颯爽氣騰驤道旁觀者如堵牆風動盧溝橋畔
柳八騶在前馬在後尚書

恩榮服

賜衣被馬更以錦障泥黃絲絡頭小延佇馬忽戀

闕當風嘶西陂芊茸水泉好不待來年試春草飲餞有態馬
放閒可憶頽羅蹠蹙天衢間三公行田祛鹵簿此馬時時爲
先路歲華彈指何匆匆又見星軺趣潞公重來

文陸荷

殊獎拂拭還看馬齒長

題戢山山下廢署

樟陰森半畝遙接萬松青
月冷蓬萊閣雲逃越望亭
凍梅開石豨老鶴守寒廳

內祀王龜齡先生

不是陶貞白何從餌茯苓

秋日侍直

秋雪點平蕪寒生金僕姑
五雲低

帳殿紫塞拱周廬
珍味駝封

賜傳餐鹿痿酥
飲飛軒猛氣
親手搏於菟

珥筆陪

雕輦回中夙寢興
月明山鬱鬱
霜曉木稜稜
眼疾拳毛鶴
神寒帶角鷹
平疇看躍馬
相顧意飛騰

留別兩湖諸生

黃鶴晴川態自妍
輶車辛苦駐經年
壓囊空有三千贖
負郭會無二頃田
晴日暖風遲畫舫
清歌妙舞是離筵
老夫一掬孤寒淚
灑向春潮意惘然

玉泉山

大閱十二韻

禁籞凌青甸

行宮倚碧天
忽傳

神武詔不廢
太平年
七萃初分節
三驅早著鞭
風雲看合散
天地辨方圓
氣攝金戈靜
聲先壁壘堅
雪晴狐兔匿
風定虎狼懸

勝算踰緇略
歌聲當凱還
虎臣非閫外

天子實中權
憶昨三城遠

親開萬里邊容刀傳洛水銘石紀燕然事實同千羽

功應異芟田

禁中慚頗牧空賦馬鳴篇

舍北林塘詩爲狄向濤作

將家南垞旁卜宅歛湖口無數赤欄橋一叢水楊柳

柴柳

日華噓吸處獨上大羅天喚醒詩人夢一聲風柳蟬

詩夢

微風閣疎雨清響闕簾櫳寒帷滅明燭月上聞秋蟲

響

深巷雨聲頻朝來露蕊新明珠將翠羽一段可憐春

杏花春

微酣頰暈生倭髻露盈盈十幅鶯溪絹徐熙寫不成

雨林亭

朱櫻顆顆垂珍禽弄清樾斜日淡疎林半堆紅鞞鞞

櫻桃

烟波舊釣徒風泉雜清聽坐愛白蘋香琉璃一千頃

漁唱

商飈淒戶庭水木露華晚閣外鯉魚風菰蒲寒潦減

水木清

當畫胭脂嫩紅薔錦段張明妝看佚女風起顛釵梁

淨香亭

霜信飽黃柑霏霏香霧含封題三百題何必洞庭南

橋

夢覺聞騷屑竹風時搶門浮蛆傾一盞坐愛地爐溫

雪堂

涪翁瓊田草蘇子青珊瑚雙芝如可食蜜藕和雞蘇

雙芝閣

婪尾杯同把邀頭蕊正賒砌旁閒佇立紅笑一亭花

紅笑亭

垂簾日掃除茶具瀹精廬跌坐無餘事清泉讀道書

五餘軒

平生五嶽懷寄此一卷石高雲靜不流蒼蒼古苔積

高靜閣

親種碧琅玕竊竊弄清影借問輞川人何如斤竹嶺

款竹步

行過竹廊下荷風生曉涼胡牀俯流水萬柄白蓮香

初日芙蓉亭

石梁足徘徊繁華共斟酌數仞碧玲瓏一條紅略約

花梁

勞生大火聚何如清靜退適適一龕中跏趺入三昧

適適龕

洞長龍鬚竹崖荒鴨腳杉石帆山下路小頓倚長鏡

石帆山

歸鴉落遠汀
殘照餘衰柳
何處峭寒生
西興斷磯口

柯橋